



UNIVERSITÄTS-  
BIBLIOTHEK  
PADERBORN

**R. P. Christiani Mayer E Societate Iesv, Diarivm  
Meditationvm, De Præcipvis Vitæ Christi mysteriis**

**Mayer, Christian**

**Coloniæ Agrippinæ, 1635**

In festo S. Ignatij Fundatoris Societatis Iesu. De Vocatione, cooperatione,  
& glorificatione eisdem.

---

[urn:nbn:de:hbz:466:1-60091](#)

31. July.

In festo S. Ignatii Fundatoris  
Societatis Iesu.

*De Vocatione, cooperatione, & glo-  
rificatione eiusdem.*

I. **E**xpende inuestigabiles dimitas  
& potentia, sapientia, bonitatis  
liberalitatis Dei, quas abunde in-  
seruum suum Ignatium profudit, il-  
lum ad tantam gratiam & gloriam ab-  
externo prædestinando, in caput du-  
cem ac fundatorem nouæ religiosæ  
familiaæ in subsidium Ecclesiarum, in tot  
recens exortis hæresibus profligandis  
laborantis his nouissimis temporibus  
erigendæ, ex gratuita dilectione eli-  
gendo, & necessarijs tum naturæ, tum  
gratiæ præsidijs munire statuendo: in  
tempore vero eundem inter fratres  
suos natu minimum, è sacerulari militia  
saucium ad spiritualis militiae Princi-  
patum, ut alterum Dauidem à pa-  
cendo grege ouium ad regnum, &  
alterum Saulum prius proficuum, de-  
inde eretum, & in Doctorem gen-  
gium eleuatum, tam suauiter, cito,

citer, & mirabiliter ad se perfectè sequendum vocando: Primum quidem per plorū librorum de vita Christi & Sanctorum lectionem, per suauissimam B. Virginis & S. Petri apparitionem, per abundantem internarum illustrationum impulsuumque communicationem ad serium odium vanitatum mundi, ad solidum contemptum sui, ad veram peccatorum suorum agnitionem, derestationem, expiationem illum inducendo; deinde ad præteritæ vitæ noxas, negligentiasque resarcendas, per voluntariam paupertatem, per assiduam corporis afflictionem, per æxum nosam ad terram sanctam, Christi vestigijs olim consecratam, peregrinationem impellendo; tandemque ad maiorem diuinæ Majestatis gloriam quam latissime perfectissimeque, per se, aliosque opera sua adiutos propagandam, salutemque plurimorum in densissimis infidelitatis hæreseos, ignorantiaeque tenebris alias pereuntium verbo & exemplo, consilio & auxilio promouendam excitando: atque ad hunc finem assequendum, eundem quantumuis iam virum maturum 33. annos natum ad auspicanda puerilia latinæ lin-

Yy 4

guæ

guæ rudimenta, laboriosumque humioris literaturæ, Philosophia & Theologiæ curriculum emetiendum vehementer impellendo. Suspicere in his omnibus admirandam Dei erga illum prouidentiam, gratias age, & similem eiusdem erga te humili grato- que animo recole.

**II.** Quam liberaliter B. Ignatius hanc tantam erga se Dei liberalitatem recompensare contendet.

**I.** Assiduo studio eximiæ puritatis conscientiæ indies augendæ per continuam mortificationem, quotidiam confessionem, crebramque singularis penè horis discussionem.

**II.** Indefesso studio proficiendi in solidis virtutibus, earundem actus tum internos tum externos quam intensissimos frequentando, quarum hec fuere præcipuae, 1. Profunda humilitas, qua abyssum nihil sui penetrabat, neminem se ingratiorem, & tot extraordinarijs Dei beneficijs indignorem reputabat. 2. Intima gratitudo, qua inexhaustam diuinæ largitatis abyssum iugiter suspiciebat, magnificabat, compensare satagebat. 3. Obedientia absoluta, qualem ipse in regulis & in Epistola de obedientia, quasi vi-

uis coloribus depinxit, sed multò perfectius vita ipsa expressit. 4. Patientia & longanimitas in quibusuis aduersitatibus de manu Dei acceptandis, cum eximio desiderio imitandi filium Dei, in persecutionibus, calumnijs, opprobrijs, iniurijsque hilari animo perferendis. 5. Magnanimitas & eximia fiducia in diuina prouidentia in quibusuis casibus occurrentibus. 6. Eximia erga proximos omnes, maximè verò erga inimicos, maleuolos, & male de se, suisque meritos charitas & benevolentia. 7. Sincerus zelus animorum ad vnicam gloriam eius, qui eas creavit, & tanto pretio redemit. 8. Ardens zelus maiorem gloriam & observandum Dei semper, & in omnibus, omni possibili modo quærendi, & quam latissimè per se, omnesque alios promouendi.

111. Constanti & insatiabili studio arctissimæ vunionis cum Deo, per exercitia deuotionis, amoris & glorificationis Dei; absolutissimæque voluntatis suæ cum diuina conformatio nis per assiduum exercitium omnimodæ resignationis semper intendendæ; que omnia constant ex eius vita. Congratulatio, gratiarum actio pro concessis

Y y s

ipsi

ip̄i tot charismatis, & zelus æmulandi eius feruorem in cooperando predictis modis diuinæ gratiæ.

**III.** Quam peculiariter quoque Deus sanctos eius pro gloria sua labores suscep̄tos compensarit ; in præsentि quidem vita tam peculiari in omnibus, quæ aggressus est, assistentia, tam vberi cœlestium consolationum copia , tam subita & felici ordinis à se fundati propagatione , totque milia animarum per se suosque conuersione; In futura porro digna tam heroicis eius desiderijs & conatibus tum esse tiali, tum accidentalis gloria, & incredibili gaudio de diuinæ Maiestatis gloria per totum orbem opera Societatis à se fundatae, hucusque propagata, ac deinceps propaganda. Quare nunc experitur in se completi illud diuinæ liberalitatis promissum.

**1. Reg. 2.** Qui me honorificauerit, glorificabo eum.  
Nota, per Octauam posse institui de singulis virtutibus in punto 2. insinuatæ meditationes, iuxta modum assignatum in fo-  
sto S. Andreae, & S. Francisci Xavieri;